

Zeitschrift: Schwyzerlüt : Zyschrif für üsi schwyzerische Mundarte

Band: 8 (1945-1946)

Heft: 8-9

Artikel: Müatterli

Autor: Beglinger, Leonie E.

DOI: <https://doi.org/10.5169/seals-181057>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

Zum Nahedänke

Müätterli

Müätterli, ich muäss Dr s säägä:
ich möcht wider ämool hei!
Ds Heiweh plooget mi so truurig,
und ich bii so ganz älei!

S isch so vill bi fründä Lüttä,
Wo eim tüüf im Härz inn truggt,
und wiä mängä schwäärä Süüfzger
Ha n i still und tapfer gschluggt.

Aaber alles goht nid aabä:
ds Wasser blibt im Aug inn stuh,
und diä Süüfzger und diä Trändli
wänd halt mängmool kuum verguh! —

Müätterli, ich mag nid gwartä,
bald, bald chumm i züä Dr hei,
und dänn lüüchtet miir Dii Liäbi —
bi dänn nümmä so älle!

Tuä mer Diini Tüür witt öffnä
Und Dis Härz und d Händ derzuä,
striich mer liisli über d Stirnä,
schängg mer Troscht und Chraft
und Ruäh! —

Leonie E. Beglinger.

Ysicht

Chascht Du söövel Leid verschtuh,
Du, wo Du na alles häsch? —
Ds hinderscht Bitz hät me nä gnuh,
ds Liäbscht und ds Heiligscht,
ds Schünscht und ds Bescht!

Als, a dem si ghanged sind,
wiä au Du draa hangä tuäsch,
döt dr Vatter na, döt ds Chind!
Und wäi villnä jeedä Bluäscht

vu n rä Hoffnig! — Heimetloos
sinds jez gagä n ussä, innä ...
Fürchtig isch ä dänigs Loos!
Und Du magscht Di schwäärlí bsinnä,

dass Ddrvuu au nu ä Teil
i dr Chrääzä treischt äm Ruggä!
Und au deer weer Dir na feil,
teetscht Di no se gäärä truggä! —

Luäg, daas goht halt nid se ring:
wettscht Du au Di Augä gschlüssä,
schtünd i Dir inn hundert Ding
hantli uuf und stüpfled ds Gwüssä! —

Lass es as ä grossi Huld
i Dim Härz zur Ysicht grootä:
Mir sind au äm Eeländ tschuld,
mir händ d Liäbi au verrootä! —

Leonie E. Beglinger.

Dy Mutter

Wenn du nemol i d' Heimet gosch
nach ville, ville Johre,
triffesch Lüt a, wo du nümme kennsch.
Was hesch doch du verlore!

Wenn du nemol i d'Heimet gosch
nach ville, ville Johre,
triffesch uf em Chilchhof Grabstei a:
Wie vill hesch du verlore!

Wenn du nemol i d'Heimet gosch
nach ville, ville Johre,
triffesch no dy alti Muetter a,
hesch noni vill verlore!

Albin Bühler.

Us: »Dr Schwarzbueb«, 1940.